

## LOS AULHÈRS

Praubes aulhèrs, qu'an tant sofèrt,  
Aqueste ivèrn :  
Que s'an deishat bruslar las cabanas  
E los hièlats,  
En bèth hant còser ua auca blanca  
Qui avèn panat.

Tots los arrats, dab las soritç,  
Se'n son anats.  
Qu'an entenuts petar las latas,  
Los cabirons,  
E que's son dits, los uns aus autes :  
"Sauvam-nse tots !"

Jan de Lagau qu'ei arriuat,  
Ta'us consolar :  
"Be cau que siatz hèra bèstis,  
O qu'èratz briacs  
Ta'us deishar bruslar las cabanas  
E los hièlats !"